

درسعادته یکی پوسته خانه قارشوسنده
دايره مخصوصه در
حل ارامه:

مرآت القلوب

دین، فلسفه، ادبیات، حقوق و علوم دین باحث هفته لق رساله در

اضطراب:
مسلكمزه موافق آثار جدیده مع المنونیه قبول اولور
درج ایدیلیمین آثار اعاده اولغاز

مؤسسلری: ابوالعلا زین العابدین - ح. اشرف ادیب

تاریخ تأسیسی:
۱۱ نموز ۳۲۴

درسعادته نسخه سی ۵۰ پاره در
قیریلهدن مقوا بورو ایله کوندریلیرسه سنوی
۲۰ غروش فضله آلنیر.
درسعادته پوسته ایله کوندریلیرسه ولایات بدلی اخذ اولنور.

درسعادته	سنه لکی	القی ایلغی
ولایاتده	۶۰	۳۵
ممالک اجنبیهده	۹۰	۵۰
	۱۰۰	۵۵ غروشدر.

جهانگیران ازمان سالفه یی واله و حیران ایدجک بر مرتبه خارقه ده بیوک بیوک خدمت ابلدی .

جمعیت بشریه که شیرازه انتظامی اداره مشروطیت واس اساس انسجامی تعاون و مشورتند و او وجود ذی حیانت مقصد اهم حریت پرورانه سی ده موجودیت شخصیه سنی مقررات مشکل براندازانه سنه اقتران ایدن فعلیات ایل اثبات ایدره کسوه مقدسه خلافتله قبله کاه عالم اسلامیت اولان بنای معالی دواتی رکن رکن مشروطیه اسناد و حصن حصین مشورتله مصون الانداس بر شرفه جهان آرایه اعلا واصعاد ایتمکن عبارتند .

بناء علیه مساعی خارقه مذکوره نک حصه دارانیدن بوانان ارباب فیض قلم سانحات فکریه لرند پارلایان بر بارقه عرفان ایل مقصد مذکورک نصل بر فکر حریت، نخبه اخوت، امنیه مساوات، معنویت مملکت، حصول آسایش و امنیه، توزیع عدالت مستند اولدیغ نک دلائل عیدیه قناعت افزاسیله ایضاح و اثباتی صدند صبح و مسا نغمه طراز منابر اعلان و تفهیم و اصحاب رشد و همده اصول مشروطه اداره نک موافق شرع شریف متین و مقتضای حکم قرآن مبین اولدیغی مادی و معنوی، عقلی و شرعی براهین قاطعه ایله تأمین ایچون طرف طرف پیرایه بخش کراسی تبلیغ و تعلیم اولدیله .

نصل اولسونلر که اداره مذکوره حقایق امورک مابه الظهوری اولوب تناصر افکاردن عبارت اولان و جانب جلیل الیهدن «وشاورهم فی الامر» نظم جلیلله فرمان بیوریان مشورت اوزرینه مبتنی اولدیغندن موافق عقل و حکمت و عقل و حکمت موافق اولان هر کیفیت ده داخل دائرة شریعتند .

بوعبد عاجزده اداره مشروطه ایله توأم اولان و مساوات حقوق تأمین اولنان شونعت عامه حریتک و اساساً انسانلره مخصوص شوموهبه سنیه اخوتک قابل اولدیغی قدر حسن محافظه سیله ایفای وجیهه شکر و سپاسی نه یولده ممکن اوله بیله جکنک و معاذالله تعالی کفران نعمتله محرومیت ابدیه مظهریت آرتق بردها قابل انحلال اولیه حق بر عهده اسارت دیمک اوله جغندن بویه قورقج بررؤیا ایل پریشان و معذب اولمقدن ایسه نه صورتله تنه و نصل اسباب و سائطه توسل ایله تیقظ ایتک لازم کله جکنک تصورات عمیق دهشت افزاسیله تضییق فکر و وجدان ایتلکهده ایکن ناکهان کوش جانده شونظم آئی قرآن احتشام حقایق اتسامیله معجزه پیرای تیان و سر منزل مقصود سلامت من کل الوجوه رهنمای رشد و ایقان اولیوردی . استعید بالله

«واعتصموا بحبل الله جميعاً...» صدق الله العظيم . نظم جلیل مذکور مدینه منوره و جوارى اعلای سنی تشکیل ایدن وزمان جاهلیتده آره لرند مقتضای جهل و نادانی تام یوز یکریم سنه نأره حرب و قتال دوام ایدرک نهایت فیض سر شار اسلامیتله انطفا پذیر صلح و مسالمت و کوکلرند کی عداوت و خصومت ده هجرت سنیه مجدی ایله مبدل محبت و اخوت اولان اوس و خزر ج قبیلتن عظیمتینی حقنده هرفنازل اولمشدر .

مأل منیفی: ای نور توحید و اذعان ایله منور الوجدان اولان اهل

خواب کرانندن اویاغق قیلندن برانته ایله سنجیده میزان تدقیق ایدره ک انلرده و طنداشلرینه دست وفاق و اخلاصی اوزادوب هپ بردن اویله بر هیئت وطنیه اتحاد تشکیل اولندی که بوهیئت قویه نک آهنگ عمومیه سنی هپج بر افراط پرست و هپج بر القاء خارجی اخلال ایدمه جکنه عکسنى ادما ایلانلری تطمین ایدر و یهوده تلاش ایدلماسنی تمنی ایلرز .

خزیننه نک حال حاضرده کی استطاعت مالیه سنی در پیش مطالعه ایدرک بوجهت ایلدهده عالم عثمانیتک تشبث ایلدیکی امر عظیمک نتیجه مسعوده سنه موفقیتنده ترده دوشنلرده وار ، بوتردد هله بتون بتون نایجا . ملکک هرجهتی منابع ثروت ایله مالامال ، هر طرف برکنز لایفی . سرکارده امین و کاردانلر بولنجه یرلی اجنبی نیجه ناموسلی سرمایه داران ظهور ایدر . ملک و ملت نافع شرائط ایله بدل مال ایلرلر ، احوال عمومیه مملکتی احاطه ایدنلرجه محتاج برهان دکدرکه تشبثات عمرانیه و اقتصادیه ایله واردات حاضرده دولت براییکی مثلنی تجاوز ایدر . بش اون کونلک بر مضایقه مالیه ملکک حیات سیاسیه سنه نسبت ایله هیچدر . بوکون انتظام و استطاعت بهت و حیرت ایله نکران اولدیغمز فرانسه امور مالیه سنی اون التیمی «لوی» زماننده بزم بوکونکی امور مالیه مزدن دهامی منتظم ایدی؟ ذکر اولنان قرال لوی زماننده فرانسه مالیه ناظری بولنان «نکر» ک امور مالیه متعلق تنظیم ایلدیکی لائح مناسبتیه مشهور «میرابو» شویله بددعا ایتشیدی : لعنت اولسون اوکیسه که فرانسه نک بالوجه نهایت درجه محتاج اولدیغی اصلاحه موفقیتی مالیه ناظری ایچون تمنی ایتز ! لعنت اولسون اوکیسه که ملاحظات ذاتیه ویا افکار باطله سنی وطن ایله مساوی طوتار !

ایلول ۱۳۲۴ محکمه تمیز اعضاسندن برکت زاده

اسماعیل مهنی

معجزات قرآنیه

وقناکه مخرب بی امان بلاد و معذب تحمل فرسای عباد اولان باد صرصر استبداد سایه سدره سای توفیق آئیده انقطاع پذیر اولسیله نسیم جانفزای عدالت دست فطرتک سمجانه بخش ایتدیکی محاسن فوق العاده سیله بهشت عالم طبیعت اولان مملکت عثمانی اوزرینه وزان اولمغه باشلادی . بر طرفدن ازهار صفائشار اخوت اشکال رنگارنگ دلکشیه نشر رواج حق و حقیقت، دیگر طرفدن افکار شمعده دار مساوات قوای مدرکه امته افاضه فواح هنر و معرفت ایتکلکه حیرت بخش جهانیان اولان شوآهنگ عمومی حریت ذوق آشنایان بزم مدیتندن هر فرد استعداد و قابلیت نسبتنده توزیع حسن و سعی و غیرت و بومساعینک بتون تقرماتیه برابر بر نقطه ده ، بر مرکزده اجتماعی و بوضورتله قوای دولتک قابل انحلال اولماز بر درجه ده اتحادینی اقتضا ایدرک ملک و ملتک یکنه استناد کاهی اولوق اوزره فداکاران امتدن متشکل برووجود ذی حیانت حصوله مسیحانه نفخ روح همت و بو وجود ذی حیات ایلدهده تمامی ایام سلطنته و ترقی شان جلیل خلافت دهستان السنه عالمیان اولان

کفهی بولنان مکافات ایله ده او انتظار-ام ملتزمده جالب نظر نحسین و تقدیر بر کسوة انسجام عیون آرای حصول اولور .

فقط بورغب و رهبت هر حالده مساعی عمادیه ایچروسنده بولنان و بنای معالی مدینتک ادوات اصلیه جزئیده سنی تشکیل ایدن افراد ناسک و رای پرده اشتعالنده مجهول قاله بیللمسی فطرة رهین ضرورت اولمسنده موقع اجراییه وضع اولنان بر قانون نه قدر محتاج ایله اولورسه اولسون واضعک مثال مشخصی اولمق اوزره تعین ایتیش و حائر موقع امتیاز اولمش اولان مأمورینی طرفلرندن السنه رسمیه ایله نشر و اعلان اولندقجه اجرای تطبیقاتنه کیدلمسی موافق حکمت و مصلحت اوله . میه جفته مبنی جناب حکیم مطلق اهل ایمان و توحیددن برفرقدنکده ابنای جنسی خیره دعوت و معروف ایله امر و منکردن نهی ایتیم صورتیه ناطقه جنبان تریب و ترغیب اولمسی و مذکور « و لتکن منکم ... » آیت ثانیه سیله فرمان و آیات مقدمه ده نفوس انسانیه نك استکمال فضائل و تهذیب اخلاقیله امر ایتدیکی کبی بو آیت کریمه ده ده ابنای جنسنک ارشاد و تربیه سی لزومی اتیان بیورمشدر .

وارسته اشتباهدرکه دعا خیرات، نهات منکرات اوله رق اقصاء کال فلاح اولان جاءت « اشیای مذکوره نك حکمت و شریقه صور تطبیقیه سی بیلنمدکجه نه دعوت نه ده امر و نهی ممکن اوله جفندن » انجق علم و عرفان کندیله و کندیله علم و عرفان ایله قائم اولمق صورتیه شو ایکی قیامدن حاصل اولان شرف علی حائر و حکمت شرعیه و موعظه حسنه ایله خلقی طریق حقه داعی اولان علمای امتدر . یوقسه « دام تزویر مکن چون دیگران قرأنا » مصرع بر جسته سنک ماصدق اولوب علومی مطالب دنیویه و منافع خسیسه شخصییه سنه وسیله حصول ایدن و امر ایتدیکی خیراتی تارک و نهی ایلدیکی منکراتی فاعل اوله رق « و غیرتی یا امر الناس بالتقی — طیب یداوی الناس و هو مریض » بیتته اقوالیه افعالیله محل تطبیق اولان ارباب معلومات دکلدرد . گرچه بونلر ضریر مشعله دار کبی انوار علم و فضیلتلرندن بشقه لرینی مستنیر ایتیم اقتدارینی احراز ایلشلسرده قلوب مستفیدینده تجلی بخش انوار و شمععه پیرای آثار و قول و فعلی و حال و کالیه مقتدابه احرار و ابرار اولمق شرف جهان قیتی آیت جلیله مذکوره نك تحت لوای منظوقنده بولنان علمای عاملینک خصیصه شان قدسیتیدر و « العلماء ورثة الانبیاء » حدیث رسالت پناه سی ده بوزمره مقدسه نك عنوان جلالت نشایدرد .

ایمدی ایچنده بولنق شرفنه و حصه دار مفاخری اولمق بختیارلغنه نائل اولدیغمز و دوام و ترقی سی اجل آمال اتخاذا ایلدی کمز شو محیط حریته ، شو منطقه سلامت ماته کوره آیات قدسیه مذکوره دن استنباط ایده بیلدی کم و واجب الامثال کوردیکم نتایج کلنجه مابعدی وار محکمه استیناف حقوق ریسی

ماهر

ایمان سز طوپکز مادی و معنوی هر درلو سعادته موصل و کافه کمالات بشریه بی کافل اولان حبل متین الهی یه یعنی قرآن عظیم الشانه اعتصام ایلدی کمز و آندن آیرلمه یکز و جناب منعم حقیقینک اوزری کمزده بولنان نعمت سبحانیه سی ذکر ایله یکز زیرا سز یکدیگر یکزه خصم جان ایکن جناب یزدان قلوبکزی تألیف ایده رک بلطفه تعالی اخوان اولدی کمز و نار جحیمدن قور قیج بر حفره نك کنارنده تملکه وقوعه معروض بر حالده بولنور ایکن سزی آندن انتقاد و ساحة سلامته ایصال ایلدی . جناب رب العالمین سزه بویه بلیغ و متین آیات صمدانیه سی رجای هدایت اوزرینه اولمکز ایچون تبیین ایدرد . سزدن برجاعت اولسون که دائماً خیره داعی و عقل و شرعک استحسان ایتدیکی معروف ایله امر و عقل و شرعک استقباح ایلدیکی منکردن ناهی اوله لر بوصفات کامله ایله متصف اولان او جاءت انجق داخل دائرة فوز و فلاحدر » دیمکدر .

ایشته خلاق جهان آفرین حضرتلری بونظم جلیک ماقبلی اولان « یا ایها الذین امنوا اتقوا الله حق تقاته ... » آیت کریمه سنده اهل ایمانه اولاباعث نجات دارین اولان تقوا ایله امر و فرمان بیوردقدن صوکره ، ثانیانظم جلیل مذکور ی تشکیل ایدن ایکی آیت جلیله دن « و اعتصموا ... » ایت شریفه سنده بقای ملیمزک و ترقی شوکت و شانغزی تمامیه و تفرعاتیه متکفل عروة الوثقی اعتصام اولان قرآن عظیم الشانک احکام ربانیه سنه متخذا و متفقا امثال و تمسکله و ثابثا . بونجه سنه لر دوام ایله هزاران انسانلری خاک ایله یکسان و نیجه خانانلری بی نام و نشان ایدن ظلمت عداوت و خصوصتک بنعمته تعالی مبدل نور محبت و اخوت اولمق کبی تجلی آور وقوع اولوب ایفای وجیهه شکر کذار سی بر قاندها استلزام ازدیاد ایدن نعم سبحانیه سی تذکرله اراده افزای احسان اولور . مجامع طاعات و معاهد خیرات اولان شو ارادات ثلثه الهیه سی خیره بخش چشم جهان بویه بر ترتیب بلیغ بدایع افشان ایله فرمانفرمای عنایت اولمسنده کی حکمت ایسه بالجله افعال انسانیه نك یار هتله و یا خود رغبتله معلل اولمسیدر . اوتنه دنبری دفع مضرت جلب منفعت اوزرینه مصلحه مقدم اولدیغندن جناب خلاق حکیم رهبتی رغبت اوزرینه بالتقدیم اوله عذاب و عقابدن ترهیه اشارتله اهل ایمانه اتقایی امر و بیان و بو اتقایی ده حبل متین الهی سنه تمسک و اعتصام ایله امرک سبب و حکمتی اولمق صورتیه در میان و ثابثا ایراث رغبت ایچون نعم سابقه رحمانیه سنک تذکر اولمسی اراده و اتیان بیورمشدر .

شو حالده باعث انتظام عالم و سبب سعادت نوع بی آدم مکافات و مجازاتک لایق اولدینی و جهله مساوات اوزرینه اجرا سنده اولدینی ترتیب بدیع مذکور ایله بالبداهه تحقق ایدرد . چونکه زمرة اهل ایمان خلاق جهانندن اصحاب ناموس و حیت بین الناس وقع و حیثیتنده حصول نقصاندن و بو ایکی صفتدن تجردله ممثل صورت انسان اولان شرزمه ادانی ده جزای بی اماندن تورقارسه شبهه یوقدرکه بو خوف و هراس سببیه جمعیت مدنیه نك دوام و تعالی سی ایچون آرانیلان بر حسن انتظام و تازیانه مساعی و غیرت اولوب میزان عدالتک دیگر